


Kev Ua Kom Muaj Cua Huv Siab Nyob Ntawm Cov Chaw Nyob Hauv Tsev Nyob Hauv Tsev Kawm Ntawv

Lub Cuaj Hli, Tim 27, 2023

Kev muaj cua hliv tau mus los zoo thiab kev lim cua nyob hauv tsev kawm ntawv yeej yog ib yam uas tseem ceeb heev rau txoj kev txo kom tsis txhob muaj neeg kis tau kab mob COVID-19 thiab lwm cov kab mob cuam tshuam rau kev ua pa uas neeg yuav kis tau los ntawm huab cua. Kev ua kom muaj cua huv siab nyob ntawm cov chaw nyob hauv tsev los kuj tseem tsim tau ib lub chaw kawm ntawv uas neeg yuav ntsib kev noj qab nyob zoo vim nws yuav pab txwv kom cov neeg tsis txhob mus nyob tau ze cov tshuaj ntxim yuav tsim tau tej yam teeb meem tsis zoo rau lub cev thiab cov pa ncho thaum muaj hav zoov kub hnyiab (PDF). Ntxiv rau qhov ntawm no, kev muaj cua huv yeej ua tau kom cov me nyuam kawm ntawv kawm tau ntaub ntawv thiab nyiam tuaj kawm ntawv. Siv ib los sis ntau tshaj ib txoj kev nram qab no coj los ua kom muaj cua huv siab nyob ntawm cov chaw nyob hauv tsev:


Siv los sis Kho Nej Lub Tshuab Cua Sov, Cua Txias, thiab Nqus Cua (HVAC) Kom Khiav Zoo

Lub tshuab HVAC yeej txo tau cov teeb meem uas yuav tsim los ntawm cua vim nws yuav nqus tau cov cua nyob nraum zoov los rau hauv tsev thiab yuav muab cov cua nyob hauv tsev kiv mus nkag dhau ntawm cov ntxaij lim cua. Mus nyeem California Lub Chaw Tuav Dej Num Saib Xyuas Pej Xeem Txoj Kev Noj Qab Nyob Zoo (CDPH) [Cov Lus Qhia Txog Kev Ua Kom Muaj Cua Hliv Tau Mus Los Zoo](#) los mus nrog tus neeg saib xyuas lub tsev kawm ntawv khiav hauj lwm coj los kho kom lub tshuab HVAC khiav tau zoo. Mus nrog cov neeg paub txog kev ua kom muaj cua huv siab los sis muaj cua hliv tau mus los zoo sab laj saib puas yuav tsum tau muab lub tshuab HVAC kho kom khiav tau zoo.




Qhib Qhov Rooj thiab Qhov Rais (Kev Siv Cov Cua Uas Ib Txwm Muaj Hliv Mus Los)

Txawm hais tias kev qhib qhov rooj qhov rais los ua kom muaj cua hliv tau mus los zoo yeej yog ib yam tseem ceeb los, nws yeej yog ib yam uas tswj tsis tau yooj yim npaum li kev siv tshuab coj los ua kom muaj cua hliv tau mus los zoo. Qhib cov qhov rais thiab cov qhov nrooj nyob ntawm cov kev nkag thiab kev tawm ntawm ib chav qhia ntawv yeej ua tau kom muaj cua hliv uas nws yog txoj kev zoo tshaj rau kev ua kom muaj cov cua nyob nraum zoov nkag tau los rau hauv chav qhia ntawv. Siv cov tshuab ntsuas carbon dioxide (CO₂) coj los ntsuas saib txoj kev qhib qhov rooj, qhov rais los sis kev siv tshuab puas nqus tau cov cua nyob nraum zoov ntau txaus los rau hauv chav qhia ntawv. Yog tsuas pom hais tias nws muaj 800 CO₂ nyob hauv ib lab cua (ppm), nws yog txhais hais tias chav qhia ntawv yeej tseem tsis tau muaj cov cua nyob sab nraum zoov nkag tau los txaus.



Muab Cov Tshuab Lim Cua Uas Nqa Tau (PACs) Coj Los Tso Ntxiv

Muab [cov tshuab lim cua uas nqa tau coj los tso rau hauv cov chav qhia ntawv](#) (PDF) coj los pab lub tshuab lim cua thiab qhov rooj qhov rais. Peb yeej xav kom cov chav qhia ntawv siv cov tshuab PACs nyob rau cov sijhawm uas muaj hav zoov kub hnyiab thaum yuav tsum tau muab cov qhov rais thiab qhov rooj kaw thiab thaum cov cua nyob nraum zoov yeej tsis tshua huv siab. Yuav cov tshuab PACs uas yog cov haum [rau chav qhia ntawv](#) thiab yog cov uas yeej siv cov ntxaij lim cua hu ua High Efficiency Particulate Air los sis “HEPA”. Cov ntxaij lim cua HEPA yog cov uas yuav lim cov khoom muaj kab mob tawm ntawm cov cua. Tsis txhob yuav cov tshuab uas hais tias muaj ionizer, ozone, los sis lwm cov kev lim cua uas yuav tso tshuaj ntxiv mus rau tej huab cua. Txawv qhov ntawm no, [neeg yeej ua tau cov tshuab PAC Tus Kheej Ua uas yuav tsis raug nqi ntau](#) coj los siv rau hauv cov chav qhia ntawv mus ib ntus tiam sis tsis txhob cia li yuav siv zoo li ntawd mus li lawm.



Yog xav tau ntaub ntawv qhia ntxiv hais txog kev ua kom muaj cua huv siab nyob ntawm cov chaw nyob hauv tsev, mus nyeem [CDPH Cov Lus Qhia Txog Kev Ua Kom Muaj Cua Hliv Tau Mus Los Zoo](#).

Cov Chaw Muaj Kev Pab los sis Ntaub Ntawv Qhia Ntxiv

- [CDPH – Cov Lus Qhia Uas Siv Tam Sim No Rau Kev Ua Kom Muaj Cua Hliv Tau Mus Los Zoo, Kev Lim Cuam, thiab Kev Ua Kom Muaj Cua Huv Siab Nyob Ntawm Cov Chaw Nyob Hauv Tsev](#)
- [CDPH – Pa Ncho Thaum Muaj Hav Zoov Kub Hnyiab: Ib Cov Teeb Meem Uas California Cov Neeg Tuav Hauj Lwm Saib Xyuas Pej Xeem Txoj Kev Noj Qab Nyob Zoo Tau Muab Coj Los Xav \(PDF\)](#)
- [CDPH – Tswv Yim Hais Txog Cov Tshuab Lim Cua Uas Nqa Tau \(Duab\)](#)
- [CDPH – Ntaub Ntawv Qhia Txog Kev Yuav Cov Tshuab Lim Cua thiab Cov Tshuab Ua Kom Muaj Cua Huv Siab Rau Cov Koog Tsev Kawm Ntawv \(PDF\)](#)
- [CDC – Cov tshuab lim cua uas tus kheej ua puas yuav lim tau cua zoo txaus kom neeg tsis txhob kis tau kab mob COVID-19 nyob ntawm cov chaw nyob hauv tsev?](#)
- [CDC – Kev Siv Cov Tshuab Ntsuas CO2 Coj Los Ntsuas Kev Muaj Cua Hliv Tau Mus Los Zoo](#)
- [EPA – Kev Tshawb Fawb Hais Txog Kev Siv Cov Tshuab Lim Cua Uas Tus Kheej Ua \(DIY Air Cleaners\) Coj Los Txo Cov Pa Ncho Nyob Hauv Tsev Thaum Muaj Hav Zoov Kub Hnyiab | US EPA](#)
- [UC Davis Corsi – Qhov Kev Ua Tshuab Lim Cua Hu Ua Rosenthal Box DIY](#)